

❖ (VII) ❖

NUNTII MARIAE POSII

BRANCACIANAE BIBLIOTHECAE PRAELECTI

I N

FERDINANDI III

UTRIUSQUE SICILIAE REGIS

O R T U M

E L E G I A I.



UNC mihi viētrices, Erato, da neētere lauros,
Nunc niveo auratam pollice tange lyram.

Major Apollineus se in nobis extulit ardor,
Major & in nostra perstrepat aure sonus.

A 4

Felin

Felix aeterni dicendus PRINCIPIS ortus. 5

Non humile ex humili carmine surgat opus,

Ante tamen puris lustrentur pectora lymphis,

Sive tuis, Helicon, Maenale sive tuis.

Non temere: videntur ut toto jam noxia caelo

Cedunt insueta sidera mota vice? 10

Sanctaeque tercentum late delubra per urbem

Excipiunt populi vota, precesque boni.

At vaga laetitia auratis per compita pennis

Chalcidica plausu ludit in urbe novo.

Nec mora: caeruleis ales subvecta quadrigis 15

Haud segnis terras pervolat Hesperias,

Fama praeit, volucrique praeit praenuntia cursu

Parthenope, aequoreos docta secare sinus.

Quam circum Clytoe, & forma pulcherrima Cydne,

Atque Hyale nitidis conspicienda comis. 20

Cumque his una Ephyre, Nepetia, Phyllodoceque,

Volturnique Opis maxima cura patris.

Ipsa

*Ipse etiam senior fluvio SEBETHUS amoeno
(Velabat fufas rofcida arundo comas)*

Ut tum forte domus volvebat pectore ſortes 25
AUGUSTAE, haec multo numine dicta dabat:

*Lucifer aetherio quid non praeverteris igne ,
Nec reſeras pulcrum , nocte abeunte , diem ?*

*Nascere magne PUER , votis procede ſecundis :
Omina natalis dextera ſpondet avis .* 30

*Haud fruſtra video caelo properare Booten :
Regius an PUER hunc adproperare jubet ?*

*Salve , magne PUER , ſervat jam debita Siren
Regna tibi , imperio facta ſuperba PATRIS.*

Firmior at poſtquam vires adjunxerit aetas , 35
Parta vides titulis barbara ſceptra tuis .

*Teſtis erit tellus praeclaris Thracia factis ,
Teſtis & Odryſii litora curva maris .*

*Cum tristes Hebrus perſuſus ſanguine ripas
Millia moerenti corpora volvet aqua .* 40

Cum-

*Cumque ferae pubis caesos spectabit acervos,
Prostratosque equites, captaque signa ducum.*

*Haud illi quisquam bello certaverit Heros
(Sic rutilas spisso Mars rotat igne comas)*

*Seu spamantis equi duris premet ora lupatis, 45
Seu libet in dubium vertere signa fretum.*

*Ite, agite: ad laetas volitat victoria puppes,
Et sua velivolo parta tropaea mari.*

*Ante oculos captique duces, captivaeque moerent
Oppida: stat vinctum vulgus inerme manus. 50*

*Adspice jam molles Indi, jam cultor Amani
Palladium ramum, certaue verba ferunt.*

*Versae illis hastae, vacuae versaeque pharetrae,
Ense caret nudum, veste fluente, latus.*

*Quid furor increpitas? albis clementia vittis 55
Jam PUERI cunas officiosa fovet.*

*Ipsa etiam ad cunas, picto circumdata peplo,
Visa Themis roseo membra levare sinu.*

Visa

*Visa mihi & certis cecinisse oracula rebus,
Sed majora meum numen obire vetant.* 55

*Dixit, & umbrifero laetus se condidit alveo;
Cum subito laeva fulsit ab igne polus.*

*Haec, FERNANDE, tibi nebant tum candida Parcae
Stamina, non ulla contemeranda die.*

*Majoresque tibi titulos, majusque canebant 60
Stare decus, dextra fata voluta colo.*

*At tu, fauste dies, seros celebrande per annos,
Aeternum clara luce serenus eas.*



(XIII)

E J U S D E M

I N A N N U U M

FERDINANDI III

UTRIUSQUE SICILIAE REGIS

NATALEM DIEM

ELEGIA II.



XPECTATA mihi roseo jam surgit Olympo
Aurea lux : fausto vota iteranda die .

Annuus augustam REGIS Natalis ad aram
Nos revocat : lingua candida turba fave .

Spar-

Sparge puer tenues aurata ex pyxide odores, 5
Quaeque procul sollers munera mittit Arabs.

Plurima conceptis adsint donaria votis,
Et cadat ad sacras hostia caesa fores.

Quisquis ades, bona verba, & laeto gaudia plausu
Adfer, ab auspiciis quae bona firmet avis. 10

Ergo agite, o juvenes, praevertite vota precesque,
Publica res ut stet PRINCIPIS arte boni.

Vosque adeo celebrate diem, quos cura sacrorum
Non prohibet sanctis tura adolere focis.

Nec desint lecto procures, certo ordine, cultu, 15
Aut fluit ad nitidos queis stola longa pedes.

Hos inter diti insignis TANUCIUS ostro
Incedens, faustis gaudeat ominibus.

Hic pacem Ausoniae, & latis dedit otia campis,
Errent ut tuti per juga laeta boves. 20

Hic turpes secuit nexus, sinuosaeque tardi
Vincla fori, & fictos callida ab arte dolos.

Hic